



giñ naa ci ki bakkanu Muhammad nekk ci loxoom ne ay koppam moo ëpp limu biddiwi asamaan si

Jële na ñu ci Abuu Sarrin -yal na ko Yàlla dollee gërëm- mu wax ne: Damaa wax ne: yaw Yónente Yàlla bi -yal na ko Yàlla dolli xéewal ak mucc- luy mbiri koppa mbalka ma ? Mu wax ne: «giñ naa ci ki bakkanu Muhammad nekk ci loxoom ne ay koppam moo ëpp limu biddiwi asamaan si, ci guddi gu lëndëm te sett, ay koppa àjjana ku ca naan dootul mar ba fàwwu, booba lay mujjee mar, ñaari mball yu bawoo àjjana ñoo fay sottiku, ku ca naan dootul mar, yaatuwaayam moo ngi mel ni guddaayam, moo ngi toll ni diggante Ummaan ak Aylata, ndoxam moo gën a weex meew, te moo gën a neex lem».

[Wér na] [Muslim soloo na ko]

Leerarug adii bi: Yónente bi -yal na ko Yàlla dolli xéewal ak mucc- dafa giñ ne koppa mbalkaam ma ëllëg bis-pénc moo ëpp limu biddiwi asamaan si, Te loolu mi ngi feeñ ci bu guddi gi lëndëmee te weer wi génnul; ndax guddi gu am weer biddiwi yi du ñu leer bu baax ndax leeraayu weer wi da leen di nëbb, te it du am Aw niir; ndax niir wi day tax duñu gis biddiwi yi, Ak ne ndab i àjjana, ku ca naan dootul mar ba fàwwu, te booba la kaca naan di mujjee mar, Ak ne mbalkaam ma ñaari mballi àjjana ñoo cay yol, te yaatuwaayam moo ngi tolloog guddaayam; peggi mbalka ma ñoo tolloog, guddaayam day toll ni diggante Ummaan ab dëkk la ca Balqaa bokk ci Saam ak Aylata di dëkk buñu xam nekk ca catu Saam, Ndoxum mbalka ma moo gën a weex meew, cafa ga moo dàq lem.

<https://sunnah.global/hadeeth/wo/show/65032>

